

08. november 2018

UKA2018/158

Meeqqat inuusuttuaqqallu angerlarsimaffiup avataanut inissineqarsimasut inersimasunut ikaarsaarneranni ilisimasat tunngavigalugit periusissiamik UKA 2019-imi saqqummiussaqaarnissaannik Naalakkersuisut pisussaaffilerneqarnissaannik Inatsisatut aalajangivigisassaattut siunnersuut.

(Aleqa Hammond, Nunatta Qitornai)

Mikivsuk Thomassen IA-meersoq meeqqat inersimasullu angerlarsimaffiup avataanut inissineqarsimasut pillugit inersimasunngoriartornerini ikaarsaariarfimmik periusissiamik suli-aqqusivoq.

Siunnersuummut tapersersornartumut qujanaq.

Inuiaqatigiit nukittuut pilersikkumallugit ataatsimoorpugut. Inuiaqatigiit nukittuut pilersinneqarnissaannut tunngaviuvoq meeqqat ilaqutariillu toqqissisimasumik tunngaveqarlutik inuusut aammalu siunissamut tamarmiullutik ingerlaqatigiillutik ataqqinartumik imminnut atugassaqaartitsisut. Tamannali pisuaannangimmat inuiaqatigiittut pisussaaffipput naapertorlugu sapinngisamik pitsaasunik tunaartassanik atugassaqaartitsissuugut, qulakkeerniarlugu taakku pineqartut inuiaqatigiinni toqqissisimasumik tunngaveqarlutik inooqataallutik inuiaqatigiinni tunngavissikkumallugit.

Amerlaqaat meeqqat angerlarsimaffiup avataanut inissineqarnikut, taassuma annikillisarniarnerani ilaqutariit sanngiinnerusumik inissisimasunut suliarput annertusartariaqarparput ilaqutariit avissaartinnearnissaat toqqagassaassammat periarfissaq kingullerpaaq.

Meeqqat angerlarsimaffii arlariit suleqataalluinnartarput meeqqat ilinniakkatigit angusaqarluarnissaannik annertuumillu inersimasuungornissaannut imminut pilersorsinnaassusaannut, akisussaafeqarnissaannut aammalu imminut paarilluarnissaannut sulilluartunik angusarissaartartunillu. Sinnerluta kusanartumik sulisut qutsavigissuavut inuiaqatigiinni meerartatta sanngiinnerusumik inissisimasunut nikittuunngortitseqataanissamut sulilluarmata.

Meerarpassuaqarpoq angerlarsimaffiup avataanut inissineqarsimasut inersimasunngortartut imminut akisussaaffimmik angisuumik pigisaqarlutik, allannguerusullutik meerartatik namminneq atukkamik assignanik atugaqaqqunagit, ilinniagaqartunik aammalu imminut pilersorluarlutik inooqataasunit. Qujanarpoq, taamaattut takullugit nuannaarnarpoq neriunaqaarlu suli amerlanerit suli taamatut ingerlanissaannik kissaateqarnaqaluni.

Nunatta Qitornai

Inatsisartuni



Ilaqarpulli 18-leereersimagaluarlutik suli ikorfartorneqarnissamik anginerusumik pisariaqartitsisunik aammalu 18-liinerinnaa piinnarlugu ipararneaannarsinnaanngitsunik. Tamanna aamma inatsisitigut immikkut isigineqarpoq periarfissaallunilu. Amerlasuulli periarfissaq atuutsittuaannanngilaat, massa immaqa pisariaqartinneqarluinnaraluartoq.

Siunnersuuteqartutuut isumaqarpugut ilisimasat misilittakkallu pigineqartut atorluarlugit taak-kununnga sammisumik periusissioornissaq pisariaqartoq. Misilittagalippassuit, siunnersuuteqartus-sarpassuit susassaqtut tamarmik peqataaffigisaannik suliaqarnissaq tamakkiisumik taperserpar-put. Angajoqqaajusartut, meeqqat angerlarsimaffii kommunit allallu tamarmik immersueqataallu-arnissaannik kissaappavut qujavugullu aamma naalackersuisut tamakkiisumik tapersiinerannut.

Tapersiilluta ilaqutariinnermut ataatsimiititaliamut suliassanngortitsivugut.